



Broj: 11-04-34-19361/22
Sarajevo, 25.05.2022. godine

Na osnovu člana 144. stav (7) Zakona o srednjem obrazovanju („Službene novine Kantona Sarajevo”, br. 23/17, 30/19 i 33/21), Pravilnika o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, br. 42/17 i 23/18), a u skladu sa Zakonom o ministarskim, vladinim i drugim imenovanjima Federacije BiH („Službene novine FBiH”, br. 12/03, 34/03 i 65/13), ministrica za odgoj i obrazovanje Kantona Sarajevo raspisuje

JAVNI KONKURS

za izbor i imenovanje na upražnjene pozicije predsjednika i članova u školskim odborima srednjih škola kao javnih ustanova na području Kantona Sarajevo, čija konačna imenovanja vrši Vlada Kantona Sarajevo

I

U Školski odbor srednje škole, srednjoškolskog i školskog centra kao javne ustanove na području Grada, biraju se:

1. Predstavnik osnivača – Ministarstva za odgoj i obrazovanje Kantona Sarajevo (u daljem tekstu: Ministarstva) - predsjednik.....1 član,
2. Predstavnik Grada.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

U Školski odbor srednje škole, srednjoškolskog centra i školskog centra kao javne ustanove izvan područja Grada, biraju se:

1. Predstavnik osnivača – Ministarstva (predsjednik)1 član,
2. Predstavnik općine na čijem području se škola nalazi.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

Izuzetno, u školski odbor srednje škole, srednjoškolskog i školskog centra kao javne ustanove koju je osnovala vjerska zajednica, odnosno crkva samostalno ili sa drugim pravnim ili fizičkim licem, biraju se:

1. Predstavnik osnivača (predsjednik).....1 član,
2. Predstavnik Ministarstva1 član,
3. Predstavnik roditelja učenika škole.....1 član,
4. Predstavnik radnika škole.....1 član.

Na osnovu ovog Javnog konkursa izvršit će se izbor i imenovanje predsjednika i članova na slijedeće pozicije u školskim odborima srednjih škola, srednjoškolskih i školskih centara kao javnih ustanova na području Grada/općine, na mandatni period od četiri godine:

Rb.	Naziv škole	Pozicije u školskom odboru
1.	Javna ustanova Druga gimnazija	Predstavnik roditelja učenika – 1 član
2.	Javna ustanova Četvrta gimnazija	Predstavnik roditelja učenika – 1 član
3.	Javna ustanova Prva bošnjačka gimnazija	Predstavnik radnika – 1 član
4.	Javna ustanova Gimnazija Obala	Predstavnik Ministarstva (predsjednik) – 1 član
5.	Javna ustanova Srednja medicinska škola Sarajevo	Predstavnik Ministarstva (predsjednik) – 1 član Predstavnik Grada – 1 član Predstavnik roditelja učenika – 1 član Predstavnik radnika – 1 član
6.	Javna ustanova Srednja medicinska škola Jezero	Predstavnik roditelja učenika – 1 član
7.	Javna ustanova Srednja zubotehnička škola	Predstavnik Grada – 1 član
8.	Javna ustanova Srednja mašinska tehnička škola	Predstavnik Grada – 1 član Predstavnik roditelja učenika – 1 član
9.	Javna ustanova Srednja škola za saobraćaj i komunikacije	Predstavnik Ministarstva (predsjednik) – 1 član Predstavnik Grada – 1 član Predstavnik roditelja učenika – 1 član
10.	Javna ustanova Srednja škola za okoliš i drveni dizajn	Predstavnik roditelja učenika – 1 član
11.	Javna ustanova Srednja škola poljoprivrede, veterine i uslužnih djelatnosti	Predstavnik Ministarstva (predsjednik) – 1 član Predstavnik roditelja učenika – 1 član
12.	Javna ustanova Srednja škola za tekstil, kožu i dizajn	Predstavnik roditelja učenika – 1 član Predstavnik radnika – 1 član
13.	Javna ustanova Srednja ugostiteljsko-turistička škola	Predstavnik Ministarstva (predsjednik) – 1 član
14.	Javna ustanova Srednjoškolski centar Vogošća	Predstavnik Općine – 1 član Predstavnik roditelja učenika – 1 član
15.	Javna ustanova Srednjoškolski centar „Nedžad Ibrišimović“ Ilijaš	Predstavnik Ministarstva (predsjednik) – 1 član
16.	Javna ustanova Škola za srednje stručno obrazovanje i radno osposobljavanje	Predstavnik roditelja učenika – 1 član
17.	Javna ustanova Centar za slijepu i slabovidnu djecu i omladinu	Predstavnik roditelja učenika – 1 član

II

Školski odbor: donosi pravila škole; godišnji program rada srednje škole za tekuću godinu i izvještaj o realizaciji godišnjeg programa rada za prethodnu godinu; finansijski plan i usvajanje godišnjeg obračuna; opće akte o unutrašnjoj organizaciji i sistematizaciji radnih mjesta i drugih općih akata u skladu sa relevantnim propisima; program rada i izvještaj o radu koji podnosi osnivaču; imenuje i razrješava direktora, zaključuje ugovor o radu i prestanku rada direktora srednje škole; imenuje komisiju u skladu sa relevantnim propisima; odlučuje o korištenju sredstava preko iznosa određenog relevantnim propisima; rješava žalbe i prigovore radnika na rješenje o ocjeni rada i drugim pravima, obavezama i odgovornostima iz radnog odnosa; rješava žalbe učenika, odnosno roditelja ili staratelja učenika na odluku o izricanju odgojno-disciplinske mjere iz člana 109.

Zakona; utvrđuje prijedlog plana upisa učenika u prvi razred; verificira konačnu listu primljenih učenika u prvi razred; rješava o žalbama i prigovorima koji se odnose na rad direktora srednje škole.

Školski odbor je nadležan za odlučivanje u prvom stepenu po žalbama i prigovorima na odluke direktora srednje škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih i drugih saradnika; usmjerava, kontrolira i ocjenjuje rad direktora; razmatra prijedloge odluka, preporuka i prijedloga koji se upute školskom odboru i preduzima odgovarajuće mjere; rješava sva pitanja odnosa s osnivačem; razmatra i odobrava službena putovanja direktoru škole; u vanrednim situacijama kada je direktor spriječen da obavlja dužnost, uz saglasnost Ministarstva, imenuje nastavnika ili stručnog saradnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost; utvrđuje konačnu rang listu radnika koji su djelimično ili potpuno ostali bez radnih zadataka; na osnovu saglasnosti Ministarstva na prijedlog direktora donosi odluku o raspisivanju konkursa/oglasa za prijem pripravnika; vrši i druge poslove u skladu sa Zakonom i pravilima srednje škole.

III

Kandidat mora ispunjavati slijedeće opće uvjete:

1. da je stariji od 18 godina;
2. da nije otpušten iz državne službe kao rezultat disciplinske mjere na bilo kojem nivou BiH (bilo na nivou države ili entiteta) u periodu od tri (3) godine od dana objavljivanja upražnjene pozicije;
3. da se na tog kandidata ne odnosi član IX Ustava Bosne i Hercegovine i član 5. Zakona o ministarskim, vladinim i drugim imenovanjima u FBiH;
4. da nije osuđivan za krivično djelo i privredni prijestup nespojiv sa dužnošću u školskom ili nadzornom odboru javne ustanove;
5. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine;
6. da nije izabran u organe zakonodavne, izvršne i sudske vlasti, organe i tijela političkih partija i da nije državni službenik iz Ministarstva za odgoj i obrazovanje Kantona Sarajevo;
7. da nije član u više od jednog upravnog/školskog/nadzornog odbora;
8. da nije u bilo kakvoj rodbinskoj vezi do drugog stepena sa bilo kojim radnikom škole u koju je konkurisao;
9. da nije direktor ili pomoćnik direktora škole registrirane u Kantonu;
10. da ima najmanje pet godina radnog staža, nakon sticanja diplome.

IV

Pored općih uvjeta, kandidat koji se imenuje na poziciju predsjednika ili člana školskog odbora, obavezno ispunjava i slijedeće posebne uvjete:

- a) **Predstavnik osnivača kojeg predlaže Ministarstvo (predsjednik školskog odbora), odnosno predstavnik Grada ili općine,** u skladu sa članom 142. st. (1) i (2);
 1. mora imati najmanje VII stepen stručne spreme ili prvi ciklus studija po bolonjskom procesu;
 2. ne može biti radnik u školi;
 3. ne može biti roditelj učenika koji pohađa tu školu.
- b) **predstavnik radnika:**
 1. mora imati najmanje VII stepen stručne spreme ili prvi ciklus studija po bolonjskom procesu;
 2. ne može biti roditelj učenika koji pohađa tu školu.
- c) **Predstavnik roditelja:**
 1. mora imati najmanje VII stepen stručne spreme ili prvi ciklus studija po bolonjskom procesu;
 2. ne može biti radnik te škole;
 3. mora biti roditelj učenika koji pohađa tu školu.

V

Kandidati su, uz potpisani Prijavni obrazac, dužni dostaviti slijedeću dokumentaciju:

1. kratku biografiju;
2. rodni list (original ili ovjerenu kopiju);
3. univerzitetsku diplomu o završenom najmanje VII stepenu stručne spreme ili prvom ciklusu studija po bolonjskom procesu (ovjerena kopija, format A4);
4. potvrda o radnom stažu (najmanje pet godina radnog staža nakon sticanja diplome - original);
5. izjavu o ispunjavanju uvjeta iz člana III, tačke 2., 3., 4., 5., 6., 7., 8. i 9. ovog javnog konkursa, ovjerenu kod nadležnog općinskog organa;
6. obrazac za pitanja o eventualnom sukobu interesa/smetnji za imenovanje.

Kandidati za članove školskog odbora iz reda radnika i roditelja su dužni dostaviti dokaz o tom statusu (potvrda iz škole).

Predsjednika i članove školskog odbora imenuje Vlada Kantona Sarajevo.

Za Vladu Kantona Sarajevo obavezujući su prijedlozi za imenovanje predstavnika roditelja i radnika škole, koje u skladu sa važećim propisima, izaberu nadležne strukture.

VI

Prijava za člana Školskog odbora, Izjava o ispunjavanju uvjeta i Obrazac za pitanja o eventualnom postojanju sukoba interesa, može se preuzeti u šalter sali **Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo www.mo.ks.gov.ba**.

Prijava, Izjava i Obrazac se sa ostalom potrebnom dokumentacijom dostavljaju najkasnije petnaest (15) dana od dana zadnjeg javnog objavljivanja, lično ili poštom preporučeno na adresu Ministarstva za odgoj i obrazovanje Kantona Sarajevo (ul. Reisa Džemaludina Čauševića br. 1 Sarajevo), sa naznakom «Prijava na javni konkurs za Školski odbor JU " _____ "- ne otvaraj – otvara Komisija»,.

(upisati naziv ustanove)

Sve dokumente potrebno je priložiti u originalu ili fotokopiji ovjerenoj kod nadležne općinske službe. Dokumentacija dostavljena na Javni konkurs se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikanta u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Konkurs će biti objavljen u dnevnom listu „Dnevni avaz“ i „Službenim novinama Federacije BiH“.

Konkurs ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Procedura obrade aplikacije i objedinjavanja prijedloga provest će se u skladu sa čl. 2. i 4. Pravilnika o izboru, nadležnostima i načinu rada školskih odbora srednjih škola Kantona Sarajevo. Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Svi kandidati koji ispunjavaju propisane uslove bit će pozvani na intervju pred Komisijom za izbor. Podnosioci prijava sa kojima se ne stupi u kontakt u roku od 15 dana nakon roka za podnošenje, prijava neće biti uzeta u razmatranje u daljem procesu imenovanja.

Nakon provođenja procedure kandidati, koje Komisija za izbor bude smatrala najuspješnijim, bit će predloženi za imenovanje. Komisiju za izbor imenuje Vlada Kantona Sarajevo, posebnom odlukom.

Napomena: Tekst Javnog konkursa je dostupan i na web stranici: www.mo.ks.gov.ba.

MINISTRICA

Naida Hota-Muminović, s.r.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba